

BISMI LAAHI RAHMAANI RAHIIMI

Seydi Roowu Laay Ku La Way...

1. Bismi Laahi may bëgg woy Seydina Limaamu te woy
Ruuhu Laahi ndax du ka woy am ngërëm fa jannati
2. Deklu leen ma yee ñi nelaw ci jamaana wax fi ñu aw
Ba gëlëm te réer na ñu faw "bi imaani rahmati"
3. Waaja séentu Mahdiyu moon te gisoon mandarga ya xam
La mu jànga, wóór ka ni moom moodi "zul kalaamati"
4. Ndax bidiiw ba feeñ ci soloy, Maam Limaamu feeñ na di lay,
Gaafña jànga gis ko ne mooy, "Daalu zul Alaamati"
5. Mooy màndarga Mahdiyunaa Maam Limaamu woote mu naa
Nan ko muñ bésam ya mu naa moodi "zul alaamati".
6. Bés ya mat ñu ñew di ko laaj mu muñloo ti gaa ña ka laaj
ñetti weer ne leen bu nu aj, su nu mbir "bi subhati"
7. Weer ya mat mu naa nañu jëm ñetti at yu mat ba nu xam
Bu kay weesu xam leen ne moom moodi "zul alaamati".
8. At ya mat ñu ñew muni leen maa ngi waat bu fekke ne Njiin
Mooy "Limaamu Seydi zamaan" "Laa asiilu xaryati".
9. Daldi dugg gaalga di dem, ba Aatif ba wax ko soloom,
Waat nga lakk moy nga Limaam "fiika laanal xusrati".
10. Doora binda leetar te naa ka jóggoon di waat lakk na
yeen ñi des ni leen "aamana" "Bi Imaami rahmati".
11. Gaañi yeewu leen ci mbiram ku xamul na laaj ñaka xam,
ku kiñaan nga génna ca moom, "Bil Udaa min subhati".
12. Gaa ñi séentu Mahdiyu ñoom te ñu jànga gis ne judóom
"Aama Anrasin" (1255) te Imaan ñew "fi sahri Idyati" (1261)
13. Boo yéréé Massaariyu xam lima wax te deesula jam
Bul werànteek waaju gëlëm sóóbu "fil juhaalati".
14. Maan Limaamu ñewna ba feeñ deklú leen ma xax fimu feeñ
"Aama Asasin (1301) ca la feeñ gaa ña bañ di séenu ti
15. Gaañi woolu leen baña juum Maam Limaamu am na ngërëm
Moom mi feeñal yoon wu di jëm "Daaru Zil salaamati"
16. Maam Limaamu laaya toxal seen xërëmna daldi saxal
"Bi tawhiidi Rabbi kamaal jalla an sarri kati"
17. Baatub laa ilaha illa Laah la saxal di woote li Laahi
Dalni "aaji boo dahiya laahi" wuyu leen "li dahwati"
18. Mu taxaw di woote ca kaw gaaña bañ mu yékki ca kaw
Ruuhu naa kilee ma di aw mooy matal "bi dahwati".

19. Fekk naa ñi jànga ñu naan Mahdiyoo di "Seydi zamaan"
Te Isaa di wuutu "makaan" "Ba fii bahdi nusxati"
20. La ñu wax moyul dafa am Mahdiyoo di "Seydi lu maam"
Ruuhu laaya wuutu Limaam "fii balaaxi dahwati".
21. Ñoo waxoon Isaa di jullee Mahdiyam ndéem jóknafa lee
Am na, Ruuhu laaya jullee bi Imaami rahmati.
22. Gaañi yeewuleen baña juum gëm Limaamu ak xalifaam
Seydi Ruuhu laahi ku ka gëm am gënëél fa jannati
23. Mahdiyoo ngi woote ba wéy tekfi Ruuhu laahi mudi lay
Gaañi rééré leen bañu wéy "yaxtafoola zaarati"
24. Yeewu leen te xamne Limaam ak Isaa ku leen boole gëm
Yàlla Buur ba fey la ka ndam "min sawil kiraamati"
25. Gaa ñi gëm Limaamu te gëm Seydina Isaa fu ñu jëm
Am teraanga boole ca ndam "Min zawil kiraamati"
26. Soo yaboo teral fuñu jëm fuñu wacc am na ñu ndam
Ñoom ñi boole ñaari ngalam tey "xiyaarul ummati"
27. Seydina Isaa di ngalam wuñu segg am na ngërëm
Defna fiy jalóore ba dem "huwa zul kiraamati"
28. "Huwa samsu laysa lahu" "fii zamaani zaa misluhu"
"ya Uxayya xuz annahu kanzu zul hinaayati"
29. Am na diine moodi kamaal "Al hassibu zaynu fihaal"
Samsu diine suux na huwal "Hafwu zul kiraamati"
30. Moofi daan defar lu jubul lufi yàqu Seydi jubal
Boo bañee ñëwit mu yabal ku ca dem "fi saahati"
31. Yàll Buur bi rus na ka moom nasaraan-du weddi waxam
Moodi gar ku nekk fi moom woolu dootu jàqati
32. Boo defee lixuur ba gëlëm ci sa mbir ba seet ba xalam
Doo xalam ludul bëgg dem "Li Isaa fii saahati"
33. Boo ñëwee ba naan ko mandey da ma def lu ñépp ne céy
Da la naa bul jàqati tey daldi faj sa aajati
34. Boo ñëwee di laaj si ndigël Seydi joxla gën ji ndigël
Boo jëfee la Njool ma digël doo fa jóg di réccu ti
35. Waaja ñëw ba laaj si ndigël dellu wor la Seydi digël
Kooku dootu jóg ci mbugël dootu am "salaamati"
36. Bu demee ba sóóbu ca biir ba boroom takkaay ya di dóór
Xel ma dem ca Seydi mu suur ku mu am "fi saahiti"
37. Moo fi doon leeral fu lëndëm "ka misaalil badri tamaam"
Ruuhu Laahi Isaa ku ko gëm xaw ma looy xalaatati

38. Waa ju gëm Libaas li ko war jaamu Yalla moom kidi Buur Boole "kawfi" ak di yaakaar "fi nahiimi jannati"
39. Seydina Limaamu da noon jaamu leen bu leen def i noon Dimmëlënte, koon lu nu fiaan di na'am "bi surhati".
40. Bul di geesu waa ja gëlëm ba di gaaral Seydi Limaam Loolu moodi tooke ci moom ju di jëm "xiyaamati"
41. Bul di xaste bul di bonal yoonu kenn bul tilimël Jëfi kenn koon nga jubal yoonu "Seydi saadaa ti"
42. "Xaala Laahu Rabbu samad" "fii kitaabihi zil majiid" "Lanu farix bayna Ahad" "min rusuulil hismati"
43. Bul di xotti diine te bul xotti worma koon nga kamaal Bul di réylu koon nga jubal "Bi tariigi jannati"
44. Bul di seet ci waaju la sut, bul di xeeb ci waaji nga sut Yalla moodi buur di fi sut, moodi "zul xahaarati"
45. Bul di seet ci man mika wax ndax damaa jubul badi wax Na nga seet maanam lima wax kon nga am "hidaayati"
46. buldi àndak waaju gëlëm, bul di noonu waaju di xam Koon nga sóobu yoon wu di jëm "Daaru zil salaamati"
47. Ruuhu laahi "Wasiiru" Limaam "Mahfiyun" la ñëwna ba dem Gaaña doora lëñtu mbirëm "Yaxtafoo la saarati"
48. Moom la xam ba feeñal jëmmëm ci kayit ngir képp ku xam Boo gisee wasiiru Limaam woolu dootu lëntëti
49. Gaaya gis mandarga ya xool gis jëmmëm ja naa kee di njool ma ñu wax ni moodi matal "zal hudaa bi dahwati"
50. Gaayi yeewuleen baña juum Seydi Ruuhu ñëwna ba dem Seeti leen rakkam ja mu am baña jomba tuuba ti
51. Seydina Manjoonay jubal ku fa ñëw te namma jubal Du la tek ci jëf ja ludul farlu "fiil hibaadati"
52. Am na diine muñ na te moom ngor ga mat na am na ngërëm Xol ba yaa na mat na Imaam am na ndam "fii taahati"
53. Moodi gééj gu fees ba di fuur ba njaa àlla yaa ngi ziyaar Yaa Uxayya nanka ziyaar moodi "zul kiraamati"
54. Ndax njanaaw la ñëwna ziyaar àndak ngaa fía ñëw di ziyaar Ba mu doynu "kullu ziyaar" "Han zawil kiraamati"
55. "Muhjizaat" ya feeñ na ca moom boo xamoom la nekk ca moom Koon nga dem tuubaati ca moom moodi "zul kinaayati"
56. Yaw mi gëm Limaamu te gëm Seydina Isaa dellu gëm Seydina Manjoon kula xam mucc "min halaakati"

57. Gaayi Njiin ku leen masa xam mbaa nga gis ka sopp jëmmëm
Am teraanga "yowma zihaam" génn min "Xusaarati"
58. Yáll na Buur saxal nu ci gëm te jubal nu yoon wu di jëm
"hiliyiina daaru nahiim" "maha Seydi saadaati"
59. "Wa salaatu maha salaam" "Han nabiiy xayri la naam"
"Zumma aali laysa yariim" "Abadan wa sahbati"

BISMI LAAHI RAHMAANI RAHIIMI

Gëm woolu leen Imaamuna..... (1954)

1. "Alhamdu li Xaalixinaa Wa sukru li Raasixinaa"
"Zumma salatu Rabināa Alaa Nabi safiihinaa"
2. Xerawlu leen ma deeti woy Imaamu laay mi jara woy
"Marsiya" Seydi Ruuhu laahi jantub ngënëél ba suuxina
3. Gëm wóólu leen Imaamunaa te wóólu Seydi Ruuhunaa
Ibnu Imaamul Asanaa ndax Yàlla fey nu aljana
4. Nan gëm te xamne Seydina Limaamu may nga yaatu na
Lu jiitu feeñ ga nekka na ci Ngor di jaamu Rabbana
5. Limaamu nee na jullikay booba ñuy wax ca Ngor ne mooy
Bu Seydina Xaliilu laay am na fay at yu yàgg na
6. Lu paase junniy at yu wóór guddi gu nekk mungay wër
Adina bii ci bepp boor lepp di seetlu adina
7. Limaamu nee ba mu naree feeñ seet na xeet wi lu bari
Gisul lu ëpp sutura lébu ci xeeti adina
8. Moo tax mu feeñ ca ñoom di woo Adina peñku ak sowu
Nit ak jinne la boole woo naa jaamu leen "Xaalixunaa"
- X 9. Bésuub dimaas la mbir ma ñiëw ca moom mu yekkati ca kaw
"Kalaama tahmiidin" ca kaw di sànta Laahu Rabbanaa
10. Naa jant feeñ na yeewu leen "Wa xaala naasu waal ixwaan"
jinne ka jàpp sangi leen ko "fi awsaani jaddinaa"
- X 11. Nijaay ja dem ca mbaar ma took waa mbaar ma naa ko bu fi took
Fajal Limaamu doora took sa doom ju baax ja jommi na
12. Nijaay ja ñiëw Limaamu naa waa péñc mooma ñu nga naa
Limaamu dof na jommi na da ñoo gëlëm "fi amrinaa"
13. Mbir yi ci man soo ko bëggée xam wutal yóbal te jógge
Yoof jublul Màkk boo yeggee ne leen amna kook jommi na
14. Limaamu moodi aw turam làq na "ar bahjina aam"
Man dey yeém naa ci ay mbiram koon ñu soloo la "amri naa"
15. Nijaay ja ne ko lott naa ci loolu "xaala Seydina
Limaamu, "ijlis indi naa laa tastamih juhaala naa"